



“La grazia de Gejú Crist, le Signur, l’amur de Dio y la comunité dal Spirit Sant sii con os düc!” (2 Cor. 13, 13)  
da lí sòn la pilora d’ordinaziun (29.06.1972) y dla messa noela (09.07.1972) de signor Iaco Domez



La ploania d’La Pli ricorda adöm con nosc degan, signor Iaco Willeit, sü 50’agn de vita da preo y ti aoda ennant döt le bun te so laur por le Regn de Chel Bel Dio y por le ben dles porsones.

- Iolan y Dio s’al paii dles ofertes en record dal † Richard Brandlechner: la familia de Richard, Angela y August Gasser, Franz y Annamaria Morlang, Iaco Irsara (Jusciera) y spenores desvalies por la Dlijia; fam. Erich Erardi por la dlijia da Curt.
- I Scizeri d’La Pli envieia der bel a na serada d’enformaziun sön le Gran Bracun, en sabeda ai 8 d’otober ales 20:00 te Salf dles Manifestaziuns d’La Pli, con le referent Jep Agreiter, por recordé i 440 dla mort de cösc mît.



## Enformaziuns y termins

**KVW Senioreclub:** en dedemesaledema ai 5 d’otober junse por sanc a Heiligenblut. I piun ia con le bus dal Cone demez ales 8:30. Da se prenoté pa Lidia, ☎ 339 7899107.

**Curs de Ultimo Aiüt:** les infermieres dla Raiun Sanitar Val Badia met a jí n curs de Ultimo Aiüt, olach’an empara da socodí y da ti sté dlungia tla derta manira a porsones co é tal morí. Le curs vegn tigni anter 2 iadi:

**A Badia,** tla Ciasa J.B. Runcher, ai 22.10.2022, dales 08:00 ales 12:00. Preibel s’anunzié damperfora cina ai 21.10.2022, al ☎ 0474 586155, dales 08:00 ales 09:30.

**A San Martin,** tl Istitut Ladin Micurá de Rù, ai 19.11.2022, dales 08:00 ales 12:00. Preibel s’anunzié damperfora cina ai 18.11.2022, al ☎ 0474 586128, dales 08:00 ales 09:30.

**Comune:** tal zenter de reziclaje vegnel tres endò sciüré le cender pa l’erba y chel ne ponnia! Al ven perié da le sciüré pal ciomont te ciasa.

**Biblioteca:** la biblioteca adöm al Zenter Families Mareo envieia a na encuntada con i picci cina 3 agn por scoprí adöm le monn dai libri, en lönesc ai 3 d’otober ales 10:00 te biblioteca.

**Ciamena dal quant:** le grup dla Ciamena dal quant lascia alessaei che al sará sen endò da cialé quant plü gros. La Ciamena dal quant a Picolin sará ennant daverta la jöbia domisdé dales 14:00 ales 16:00. Al pó gní dé jö de vigne sort de quant, mo ince linzos, tovaies, cisces, pezes da mans, cutres, quant da sot ete, y i. i. Al ven belo sen dit dër bel iolan. La Ciamena dal quant é minada por düc, düc é benodüs.

<b>Döt le bun a:</b>	Carolina Canins Valentini, Badia	* 02.10.1929
	Carmela Olivotto	* 03.10.1938
	Teresa Palfrader ved. Ellecosta	* 05.10.1935
	Teresa Taibon ved. Konrater	* 06.10.1930
	y a düc chi co á santennom y complesc i agn cöst’edema	

**Impressum:** Ploania d’La Pli; redaziun Franz Rigo y Edith Willeit  
**Comunizaziuns:** cina le dedemesaledema sera a Franz Rigo, ☎ 347 2310129 o ✉ ploania@gmx.net  
**Download plata:** www.unitepastorala.org



# Plata dla Ploania La Pli de Mareo Santa Maria dal Bun Consei

Ploian: Signor Klaus Sottsas  
✉ klsottsas@rolmail.net

Calogna Al Plan: ☎ 0474 501006  
Radio de Ploania: 93,00 MhZ



VAL BADIA  
www.unitepastorala.org

Ann C

02.10.2022 - 27. domegna ia por l’ann  
SEGRA DAL ROSARE

n. 45



📖 Aba 1, 2–3; 2, 2–4 | 2 Tim 1, 6–8.13–14 | Lc 17, 5–10


### Dal Vangelo do San Lúca:

Te chel tomp<sup>5</sup> á i apostui perié le Signur: Renforza nosta fede!<sup>6</sup>Le Signur á respognù: Sce osta fede foss ince ma tan grana co n granel de senf, podesses dí a cösc len da bromeres: Álzete con tões raisc fora de tera, y emplanteiete tal mer!, y al ves olgass.<sup>7</sup>Sce önn de os á n stlaf co é pal aré o co verda i tiers, ti díjel forsc canch’al ven dal ciampopré: Fate atira pomez a mangé?<sup>8</sup>Ne dijarál nia plülere; Famo val’ da mangé, arjígnete y sorvescemo, y do ch’i ará mangé y boü, poste ince tö mangé y bere.<sup>9</sup>Ti díjel mo iolan al stlaf, deach’al á fat ci ch’al gnü comané de fá?<sup>10</sup>Ensciö déssera ince ester pa os: Canch’i areis fat döt ci ch’i seis gnüs comanés de fá, desses dí: I sun de püri stlafs, i án fat nosc dovei.

**I ponsun do:** Gejú s’envieia da avei fidonza y da emparé da creie. Al mostra sön les esperionzes dla jont de so tomp: tal granel de senf é ascognüda na gran forza. Ince nos an fat l’esperionza che cosses piceres y debles pó armere trep: erbes scherza sö l’asfalt, ciöf floresc sön i crep. De te forzes cialfunse ince te nosta fede, picera y debbla.

**I periun:** Bel Dio, con la fidonza te té á Gejú müdé le monn. Lascesse cresce tla fede y confidé sön to aiüt. Tres el, Gejú Crist, co vir y regneia con te por dagnora.

Vesco Wilhelm Egger "Sonntagsbibel"



📖 Letôres dla 28. domegna ia por l’ann:  
2 Resc 5, 14–17 | 2 Tim 2, 8–13 | Lc 17, 11–19

